

आकाशवाणी

खबरां ---

1 केंद्र शासित प्रदेश जम्मू-कश्मीर च विधानसभा चुनांस त्रै गेड़ें च अगले म्हीने दी 18 तरीक थमां शुरू होग जिसले जे हरियाणा च चुनांस इक्कले गेड़ च इस्सै बरे पैहली अक्टूबर गी कराए जाडन।

2 बांग्लादेश दी अंतरिम सरकार दे मुख सलाहकार मोहम्मद युनस होरें बांग्लादेश च हिंदुएं ते सब्बे अल्पसंख्यकें दी सुरक्षा दा आश्वासन दिता ऐ।

3 इसरो नै श्रीहरिकोटा थमां Earth Observation Satellite EOS-08 सफलता कन्नै प्रक्षेपण कीता ऐ।

4 कोलकाता च महिला डाक्टर दे बलात्कार ते हत्या खलाफ डाक्टरें दी हड़ताल जारी।

5 भारत कल त्रीया 'वॉयस ऑफ ग्लोबल' साउथ सम्मेलन दी वर्चुअल ढंग्गै नै मेजबानी करोग।

6. 70में राश्ट्रीय फिल्म पुरस्कारें दी घोषणा कीती गई। गैर फीचर फिल्म च आईना, सर्वश्रेष्ठ हिंदी फीचर गुलमोहर नै जितेया पुरस्कार ते रिश्व शेटी होरें अभिनेता दा पुरस्कार जितेया।

<><><><><><>

CEC Assembly Polls

भारतीय चुनां आयोग आस्सेया अज्ज केंद्र शासित प्रदेश जम्मू-कश्मीर ते हरियाणा च विधानसभा चुनां करोआने बारै घोषणा कीती गई। आकाशवाणी जम्मू संवाददाता दी रिपोर्ट मुजब जम्मू-कश्मीर च त्रै चरणें च चुनां होंगन। पैहले गेड़ लेई अधिसूचना 20 अगस्त 2024 गी जारी कीती जाग। नामांकन भरने दी अखीरी तरीक 27 अगस्त 2024 ऐ। नामांकन पत्रें दी जांच पड़ताल 28 अगस्त 2024 गी कीती जाग। मेदवार जेकर चाहन तां ओह 30 अगस्त 2024 तगर अपने नां वापस परताई सकदे न। पैहले गेड़ तैहत मतदान 18 सितंबर 2024 गी होग। पैहले गेड़ तैहत 24 विधानसभा हल्कें च वोट पाए जाडन। दुए गेड़ लेई अधिसूचना 29 अगस्त 2024 गी जारी कीती जाग। इस गेड़ तैहत नामांकन भरने दी खीरी तरीक 5 सितंबर 2024 ऐ। नामांकन पत्रें दी जांच-पड़ताल 6 सितंबर 2024 गी कीती जाग। मेदवार जेकर चाहन तां 9 सितंबर तगर अपने नां वापस परताई सकदे न। इस गेड़

लेई मतदान 25 सितंबर 2024 गी होग। दुए गेड़ तैहत कुल 26 विधानसभा हल्के पर मतदान होग। त्रीए ते अखीरले गेड़ लेई अधिसूचना 5 सितंबर 2024 गी जारी कीती जाग। नामांकन भरने दी अखीरी तरीक 12 सितंबर 2024 ऐ। नामांकन पत्रें दी जांच पड़ताल 13 सितंबर गी कीती जाग। मेदवार जेकर चाहन तां 17 सितंबर 2024 तगर ओह अपना नां वापस परताई सकदे न। इस गेड़ तैहत चुनां पैहली अक्टूबर 2024 गी होग। त्रीए ते अखीरले गेड़ च 40 विधानसभा हल्के च वोट पाए जांगन। वोटें दी गिनतरी आला कम्म 4 अक्टूबर गी कीता जाग। जम्मू-कश्मीर विधानसभा दिएं कुल 90 सीटें पर वोट पाए जाने न जिंदे च 74 सामान्य न। 7 एस.सी मेदवारें लेई ते 9 एस.टी मेदवारें लेई आरक्षित न। जम्मू-कश्मीर च कुल 87 लक्ख 9 जहार मतदाता न जिंदे चा 44 लक्ख 46 जहार पुरुष, 42 लक्ख 62 जहार महिलां मतदाता, 3 लक्ख 71 जहार पैहली बारी आले मतदाता न ते 20.7 लक्ख युवा मतदाता न। अमरनाथ यात्रा 19 अगस्त गी सम्पन्न होई जाग ते खीरी मतदाता सूचि 20 अगस्त गी प्रकाशित होग। हरियाणा विधानसभा चुनां च 2 करोड़ शां मते मतदाता मतदान करी सकदे न। उत्थे 20 जहार शां मते मतदान केंद्र स्थापित कीते जाडन। तोआई चुनां दी घोषणा दे कन्ने गै आदर्श आचार संहिता लागू

होई गई ऐ। श्री कुमार होरें आखेआ जे आयोग समावेशी ते सब्बनें दी पुज्ज यकीनी बनाने आहले चुनां कराने गितै बचने बज्झे दा ऐ।

<><><><><><>

Modi-Bangladesh

बांग्लादेश दी अंतरिम सरकार दे मुख सलाहकार मुहम्मद युनस होरें अपने देश च हिंदुएं ते सब्बे अल्पसंख्यकें दी सुरक्षा दा आश्वासन दिता ऐ। उनें अज्ज प्रधानमंत्री नरेंद्र मोदी होरेंगी फोन कीता। गल्लबात दौरान उनें मौजूदा हालात उप्पर विचार बटांदरा कीता। श्री मोदी होरें लोकतांत्रिक, स्थिरत, शांतिपूर्ण ते प्रगतिशील बांग्लादेश लेई भारत दा समिन दोहराया। उनें बक्ख-बक्ख विकास पैहलें राएं बांग्लादेश दे लोकें दा समर्थन करने लेई भारत दी बचनबद्धता पर जोर दिता। प्रधानमंत्री मोदी होरें बांग्लादेश च हिंदुएं ते होरनें सब्बनें अल्पसंख्यक समुदायें दी राखी ते सुरक्षा यकीनी करने दे महत्व पर बी लौ पाई। दौनें नेताएं सरबन्धित राश्ट्रीय प्राथमिकताएं दे मताबक दपक्खी सरबन्धें गी अगड़ा बदाने दे तरीकें पर बी चर्चा कीती।

<><><><><><>

ISRO-Satellite

भारतीय अंतरिक्ष अनुसंधान संगठन इसरो नै अज्ज जिमी दी निगरानी करने आहला उपग्रह Earth Observation satellite ते SR-O दा कामयाबी कन्नै प्रक्षेपण कीता। इनें उपग्रहें गी लोहके उपग्रह प्रक्षेपण यान दी त्री विकास डोआरी रायं खला च भेजेया गेआ। इनेंगी कामयाबी कन्नै गासै च छोड़ने परैंत एह साबत होई गेआ ऐ जे भारत भलेयां लोहके ते लोहके सेटलाइटें गी भेजने च समर्थ ऐ। प्रक्षेपण यान दे सब्बै त्रै चरण सफलता कन्नै सम्पन्न होए। दोनैं सैटलाइटें गी 475 किलोमीटर दी कक्षा च स्थापित कीता गेआ ऐ ते इंदे सौर पैनलें गी खोली दिता गेआ ऐ। इनें उपग्रहें पर बक्खरे-बक्खरे स्टेशनें थमां तक्क रक्खी जा करदी ऐ। 34 मीटर लम्मा राकेट बड्डलै 9 बज्जियै 17 मिंटे पर इसरो केंद्र थमां नेकें लोकें दियें सीटियें ते ताड़ियें बश्कार गासै गी चीरदा होई अंतरिक्ष च पुज्जा। मिशन दा मकसद एवियोनिक प्रणालियें दा कामयाब परीक्षण करना ते भारतीय अंतरिक्ष उद्योग दे भविष्य दे मिशनें ताई इक्क बेहतरीन आधार तैयार करना ऐ। SSLV D-3 दे पेलोड समूलची दुनिया दी नेवीगेशन सैटलाइट सिस्टम आस्तै भरोसेमंद ब्यौरा प्रदान करंगन ते आपदा निगरानी, अग्ग लग्गने दा पता लाने, ज्वालामुखियें दी हलचल औद्योगिक ते उर्जा प्लांट आपदाएं सने होर केई चाल्लीं दियें क्रोपियें कन्नै सरबन्धी टकोहदी फोटुआं

भेजोग। सैटेलाइट इक्क बरे दी अवधि तक्कर सक्रिय रौहग। कामयाब प्रक्षेपण मगरा अपने संबोधन च इसरो दे अध्यक्ष सोमनाथ होरें आखेआ जे नमें प्रक्षेपण यान D-1, D-2 ते D-3 दे विकास नै इसरो दे साइंसदानें दा आत्मविश्वास बढ़ाया ऐ ते ओह अंतरिक्ष प्रौद्योगिकी च और नमें रस्ते तपाश करा'रदे न।

<><><><><><>

ISRO-Gaganyaan

इसरो दे अध्यक्ष सोमनाथ होरें आखेआ ऐ जे इस बरे दे खीरै च गगनयान दे पैहले विजन माहनु दे मिशन गी रम्भ करने दियां कोश्टां कीतियां जा करदियां न। मीडिया कन्नै गल्ल कत्थ करदे होई श्री सोमनाथ होरें आखेआ जे राकेट दे सब्बै हिस्से सतीश धवन अंतरिक्ष केंद्र पुज्जी चुके देन ते इनेंगी जोड़ेया जाग तां जे एह डोआरी लेई तैयार होई जा। अध्यक्ष होरें आखेआ जे तमिलनाडू दे कुलसेकरपट्टिनम च अंतरिक्ष केंद्र दी स्थापना आहला कम्म दऊं बरें च सबूरा होई जाग। उनें आखेआ जे भारत च कामयाब परीक्षण मगरा कुसै चाल्ली दे बी उपग्रैह गी वाजब लागत च तैयार करने दी समर्था बनी गई ऐ।

<><><><><><>

Doctors-Strike

कोलकाता च इक रेजीडेंट डाक्टर दे बलात्कार ते हत्या खलाफ बक्ख-बक्ख मेडिकल संघें आस्स्ेया हड़ताल करी केई शैहरें च मेडिकल सेवाएं च विघ्न पेया। पटना च रेजीडेंट डाक्टर ऑफ पटना मेडिकल कॉलेज ते अस्पताल ते नालंदा मेडिकल कॉलेज ते अस्पताल अज्ज अनमित्थे समें लेई हड़ताल उप्पर चली गई। अमृतसर च सरकारी मेडिकल कालेज च रेजीडेंट डाक्टर्स संघ नै बी सब्बै गैर जरूरी सेवाएं गी मुआत्तल करने दी घोषणा कीती। डाक्टरें गुरु नानक देव अस्पताल च धरना-प्रदर्शन कीता। महाराष्ट्र च रेजीडेंट डाक्टर संघ ते मेडिकल इंटर्न संघ बी हड़ताल च शामिल होई गए। संघ नै आखेआ जे ओह मुम्बई च संघ ते अजाद मैदान च प्रदर्शन करंगन।

<><><><><><>

DGHS-Letter

केंद्री स्वास्थ्य मंत्रालय नै आखेआ जे डॉक्टर खलाफ हिंसा दे मामले च सरबंधित संस्थान दे प्रमुख गी बद्दोबद्द 6 घैंटें दे अंदर संस्थान दी तरफा पैहली सूचना रिपोर्ट दर्ज कराना जरूरी होग। स्वास्थ्य सेवा महानिदेशक अतुल गोयल होरें इस सरबंध च केंद्र सरकार दे अस्पतालें

ते मेडिकल कॉलजें दे प्रमुखें गी पत्र लिखेआ ऐ। एह निदेश हाल च गै कोलकाता च इक डाक्टर दी हत्या दी घटना ते इस मुद्दे पर रेजिडेंट डाक्टरें दे बरोध दे मददेनजर आया ऐ। अपने पत्र च उनें आखेआ जे हाल च गै एह दिखेआ गेआ ऐ जे सरकारी अस्पतालें च डाक्टरें ते होरनें स्वास्थ्य कर्मियें खलाफ हिंसा आम होई गई ऐ ते कई स्वास्थ्य कर्मियें गी ड्यूटी दौरान हिंसा दा सामना करना पौंदा ऐ।

<><><><><><>

Mandviya-Paralmpic

इस बरे आँदे पेरिस पैरालंपिक खेड्डें च हुनै तोड़ी दा सब्बनें शां बड्डा 84 खडारियें दा भारतीय दल हिस्सा लैग। पैरालंपिक खेड्ड 28 अगस्त थमां 8 सितंबर 2024 तोड़ी आयोजित होग। पैहली बारी सब्बनें शा बद्द 47 भारतीय एथलीट खेड्डें दा हिस्सा बनोग। केंद्रीय खेड्ड मंत्री डॉ. मनसुख मांडविया होरें पेरिस पैरालंपिक्स खेड्डें लेई भारतीय दल दे विदाई समारोह गी संबोधित करदे होई आखेआ जे इस दल च 50 खडारी नेह न जिनेंगी टारगेट ओलंपिक पोटियम स्कीम दा लाह थहोआ ऐ। उनें आखेआ जे इस योजना तैहत सिखलाई ते कोचिंग जनेई सुविधा खडारियें गी उपलब्ध कराई गई ऐ। डॉ. मांडविया होरें आखेआ जे केई खडारी खेलो इंडिया खेड्ड राएं उभरिये सामने आए

न। स्हाड़े संवाददाता नै पैरालंपिक्स खेड्डें च हिस्सा लै'रदे किश खडारियें कन्नै गल्लबात कीती। टोक्यो च पिछले पैरालंपिक खेड्डें च भारतीय खडारियें बेहतरीन प्रदर्शन कीता हा जिस च 19 तगमें जिते गे हे ते इस च भारत तरफा 54 खडारियें हिस्सा लैता हा।

<><><><><><>

India-Global

भारत त्रीये वॉयस ऑफ ग्लोबल साउथ सम्मेलन गी वर्चुअल ढंग्गै नै मेजबानी करोग। इस सम्मेलन दा विशे ऐ टिकाऊ भविक्ख लेई सशक्त वैश्विक दक्खन। नमीं दिल्ली च संवाददाताएं गी जानकारी दिंदे होई विदेश मामलें दे मंत्रालय दे प्रवक्ता रंधीर जैसवाल होरें आखेआ जे सब्बै वैश्विक दक्खन देशें गी सम्मेलन च शामिल होने गितै साद्दा दिता गेआ ऐ। वैश्विक दक्खन सम्मेलन इक नेया मंच होग जिस राएं पिछले सम्मेलन च होई दी चर्चाएं गी अग्गे बदांदे होई विश्व उप्पर अपने असर गितै चुनौतियें, मतभेद, खाद्य ते उर्जा सुरक्षा चैंताएं ते जलवायु परिवर्तन जनेय मुद्दें बारे चर्चा कीती जाग। सम्मेलन च वैश्विक दक्खन आहले देश चुनौतिएं, प्राथसमिकताएं ते एहदे लेई हल तुप्पने, खास करिये विकास उप्पर चर्चा करंगन। विदेश रक्षा मंत्रियें दी बैठक दा कार्यक्रम दिल्ली च

20 अगस्त गी तैय कीता गेआ ऐ। उनें दस्सेया जे बैठका च रक्षा मंत्री राजनाथ सिंह ते विदेश माममें दे मंत्री एस. जयशंकर हो बी मजूद होंगन।

<><><><><><>

National-Film Awards

2022 बरे लेई 70में राश्ट्रीय फिल्म पुरस्कारें दी घोषणा नमीं दिल्ली च अज्ज करी दिती गई ऐ। रिश्व शेट्टी होरें फिल्म कंतारा लेई सर्वश्रेष्ठ अभिनेता दा पुरस्कार जितेया ऐ। सर्वश्रेष्ठ अभिनेत्री दा पुरस्कार नित्या मेमन होरें तमिल फिल्म थिरुचित्रमबालम ते मानसी प्रकाश नै गुजराती फिल्म कच्छ एक्सप्रेस लेई जितेया ऐ। इनें पुरस्कारें दी घोषणा फीचर फिल्म जूरी दे अध्यक्ष राहुल रवेल, गैर फीचर फिल्म जूरी अध्या नीला माधव पांडा ते बेस्ट राइटिंग ऑन सिनेमा जूरी दे अध्यक्ष गंगाधर मुदलेयर। मलयालम फिल्म गी सर्वश्रेष्ठ फीचर फिल्म जिले के आइना सर्वश्रेष्ठछ गैर फिचर फिल्म घोषित कीती गई। हरियाणवी फिल्म फौजा नै सर्वश्रेष्ठ संगीत दा सम्मान हासिल कीता। सर्वश्रेष्ठ पार्श्वगायक पुरस्कार अरीजीत सिंह होरें गी, सर्वश्रेष्ठ महिला पार्श्वगायक बोम्बे जयश्री होरें गी थोआ। होरनें फिल्म जिस च Ponniyin Selvan pat-1] KGF-2,

Brahmastra, Aprajita, Emuthi-puthi Kaberi, Antardhan,
Daman ते Baghi di dheे गी बी पुरस्कार थोआ।

<><><><><><>

India-Vietnam-Dialouge

भारत ते वियतनाम नै अज्ज आपूं च विकास ते वैश्विक भलाई-बेहतरी लेई साजगार माहौल च समुंदर सरबंधी सहयोग गी बदाने गितै तरीककार ताई चर्चा कीती। वियतनाम दे हनोई च चौथा भारत वियतनाम समुंदरी सुरक्षा (डायलाग) गल्लबात च होई। गल्लबात दौरान दौनें देशें समुंद्री इलाकें च चला'रदे सहयोग आहलियें पैहलें दा जायजा लैता ते सांझा लक्ष्यें लेई बक्ख-बक्ख अंतरराष्ट्री ते मकामी मंच गितै सहयोग दे आयामें उप्पर चर्चा कीती गेई। दौनें देशें समुंदर सरबंधी अनुसंधान, सागर सरबंधी अर्थ बवस्था, मानवीय मदाद ते आपदा राहत नौसेना ते तटरक्षक सहयोग ते समुंद्री कनून दी पालमा कराना जनेह् मुद्दे उप्पर सांझा प्रयासैं गितै होर मजबूत करने उप्पर राजी होई गए। भारतीय प्रतिनिधिमंडल दी अगुवाई विदेश मामले दे मंत्रालय च संयुक्त सचिव मुआनपुई सेइयावेई ते वियतनाम दी तरफा प्रतिनिधिमंडल दी अगुवाई Trunh Duc Hai उपाध्यक्ष होरें कीती।

<><><><><><>